

貪憂亦如前說復有苾芻於外諸心觀察思惟多諸過患謂彼心者如病如癱廣說乃至是變壞法如是思惟心過患時所起於法揀擇乃至毗鉢舍那是循外心觀亦名心念住住

至毗鉢舍那是循內外心觀亦名心念住住具正勤正知正念除世貪憂亦如前說

住真正勤正知正念除世貪憂亦如前說云何於內外心住循心觀若具正勤正知正念除世貪憂內心者謂自心若在現相續中已得不失外心者謂自心若在現相續中已得

已失及他有情所有諸心合此二種名內外

心於內外心循心觀者謂有苾芻合自他心摠爲一聚觀察思惟自他心相於有貪心如實知是有貪心廣說乃至於解脫心如實知

是解脫心如是思惟諸心相時所有於法揀

擇乃至毗鉢舍那是循內外心觀亦名心念住住具正勤正知正念除世貪憂亦如前說

復有苾芻合自他心摠爲一聚觀察思惟多諸過患謂此彼心如病如癱廣說乃至是變壞法如是思惟心過患時所起於法揀擇乃

## 說一切有部法蘊足論卷第五 第五

機黠八下開反 捄摸莫胡上音門下測 楚側測楚側 循身上音

爪齒巧上之筋音 脾腎上頻張反 肺芳吠 膽丁

敢謂肪膏音方 艄酒下弥免反 感倉曆反

謂肪膏音方 艄酒下弥免反 感倉曆反

## 阿毗達磨法蘊足論卷第六 第六

尊者大目乾連造 三藏法師玄奘奉 詔譯

### 念住品第九之餘

云何於此內法住循法觀若具正勤正知正念除世貪憂內法者謂自想蘊行蘊若在現相續中已得不失於此內法循法觀者謂有

益

苾芻於內五蓋法觀察思惟內法諸相於有  
內貪欲蓋如實知我有內貪欲蓋於無內貪  
欲蓋如實知我無內貪欲蓋復如實知內貪  
欲蓋未生者生已生者斷斷已於後不復更  
生如是思惟此內法時所起於法簡擇乃至  
毗鉢舍那是循內法觀亦名法念住住具正  
觀現行隨行乃至解行說名爲住彼觀行者  
能發起勤精進乃至復能於此急疾迅速名  
具正勤彼觀行者能起於法簡擇乃至能圓  
滿極圓滿名具正知彼觀行者具念隨念乃  
至心明記性名具正念於諸欲境諸貪等貪  
乃至貪類貪生惱名爲貪順憂受觸所起心  
憂不平等憂感憂所攝惱名爲憂彼觀行者  
修此觀時於世所起貪憂二法能斷能徧知  
乃至隱沒除滅是故說彼除世貪憂如說內  
貪欲蓋說內瞋恚惛沉睡眠掉舉惡作疑蓋  
亦爾復有苾芻於內六結法觀察思惟內法  
諸相於有內眼結如實知我有內眼結於無

內眼結如實知我無內眼結復如實知此內  
眼結未生者生已生者斷斷已於後不復更  
生如是思惟此內法時所起於法簡擇乃至  
毗鉢舍那是循內法觀亦名法念住住具正  
勤正知正念除世貪憂皆如前說如說內眼  
結說內耳鼻舌身意結亦尔復有苾芻於內  
七覺支法觀察思惟內法諸相於有內念覺  
支如實知我有內念覺支於無內念覺支如  
實知我無內念覺支復如實知內念覺支未  
生者生生已堅住不忘修滿倍增廣大智作  
證故如是思惟此內法時所起於法簡擇乃  
至毗鉢舍那是循內法法觀亦觀法念住住  
具正勤正知正念除世貪憂亦如前說如說  
內念覺支說餘內六覺支等亦尔復有苾芻  
於所說內想蘊行蘊觀察思惟多諸過患謂  
此法者如病如癱瘓說乃至是變壞法如是  
思惟法過患時所起於法簡擇乃至毗鉢舍  
那是循內法觀亦名法念住住具正勤正知

正念除世貪憂亦如前說云何於彼外法住循法觀若具正勤正知正念除世貪憂外法者謂自想蘊行蘊若在現相續中未得已失及他有情想蘊行蘊於彼外法循法觀者謂有苾芻於他五蓋法觀察思惟外法諸相有外貪欲蓋如實知彼有外貪欲於無外貪欲蓋如實知彼無外貪欲蓋於無外貪欲蓋如實知彼無外貪欲復如實知外貪欲蓋未生者生已生者斷斷已於後不復更生如是思惟此外法時所起於法揀擇乃至毗鉢舍那是循外法觀亦名法念住住具正勤正知正念除世貪憂亦如前說如說外貪欲蓋說餘外四蓋亦尔復有苾芻於他六結法觀察思惟外法諸相於有外眼結如實知彼有外眼結於無外眼結復如實知彼外眼結未生者生已生者斷斷已於後不復更生如是思惟彼外法時所起於法揀擇乃至毗鉢舍那是循外法觀亦名法念住住具正勤正知正念除世貪憂亦如前說如說外貪欲蓋說餘外四蓋亦尔復有苾芻於他六

亦如前說如說外眼結說餘外五結亦尔復有苾芻於他七覺支法觀察思惟外法諸相於有外念覺支如實知彼有外念覺支於無外念覺支如實知彼無外念覺支復如實知外念覺支未生者生生已堅住廣說乃至智作證故如是思惟彼外法時所起於法揀擇乃至毗鉢舍那是循外法觀亦名法念住住具正勤正知正念除世貪憂亦如前說如說外念覺支說餘外六覺支等亦尔復有苾芻於所說外想蘊行蘊觀察思惟多諸過患謂彼法者如病如癱瘓廣說乃至是變壞法如是思惟法過患時所起於法揀擇乃至毗鉢舍那是循外法觀亦名法念住住具正勤正知正念除世貪憂亦如前說云何於內外法住循法觀若具正勤正知正念除世貪憂內法者謂自想蘊行蘊若在現相續中已得不失外法者謂自想蘊行蘊若在現相續中未得已失及他有情想蘊行蘊合此二種名內外

第六

三

法於內外法循法觀者謂有苾芻合前自他想蘊行蘊摠爲一聚觀察思惟自他法相謂前所說內外五蓋六結七覺支等此彼有無未生生斷不復生相如是思惟內外法時所起於法揀擇乃至毗鉢舍那是循內外法觀亦名法念住住具正勤正知正念除世貪憂

亦如前說復有苾芻合前自他想蘊行蘊摠爲一聚觀察思惟多諸過患謂此彼法如病如癱廣說乃至是變壞法如是思惟法過患時所起於法揀擇乃至毗鉢舍那是循內外法觀亦名法念住住具正勤正知正念除世貪憂亦如前說

### 聖諦品第十

一時薄伽梵住婆羅痆斯仙人論處施鹿林中尔時世尊告苾芻衆此苦聖諦若於如是未曾聞法如理思惟定能發生眼智明覺此苦集聖諦若於如是未曾聞法如理思惟定能發生眼智明覺此苦滅聖諦若於如是未曾聞法如理思惟定能發生眼智明覺此趣苦滅道聖諦我通慧已修習若於如是未曾聞法如理思惟定能發生眼智明覺此苦集聖諦若於如是未曾聞法如理思惟定能發生眼智明覺此苦滅聖諦若於如是未

曾聞法如理思惟定能發生眼智明覺此趣苦滅道聖諦若於如是未曾聞法如理思惟定能發生眼智明覺復次苾芻此苦聖諦以通慧應徧知若於如是未曾聞法如理思惟定能發生眼智明覺此苦集聖諦以通慧應定能發生眼智明覺此苦集聖諦以通慧應求斷若於如是未曾聞法如理思惟定能發

第六

四

生眼智明覺此苦滅聖諦以通慧應作證若於如是未曾聞法如理思惟定能發生眼智明覺此趣苦滅道聖諦以通慧應修習若於如是未曾聞法如理思惟定能發生眼智明覺復次苾芻此苦聖諦我通慧已徧知若於如是未曾聞法如理思惟定能發生眼智明覺此苦集聖諦我通慧已永斷若於如是未曾聞法如理思惟定能發生眼智明覺此苦滅聖諦我通慧已作證若於如是未曾聞法如理思惟定能發生眼智明覺此趣苦滅道聖諦我通慧已修習若於如是未曾聞法如理思惟定能發生眼智明覺此苦集聖諦當知我於

如是四聖諦中若未三轉十二行相謂未發生眼智明覺未能於此天人世間魔梵沙門婆羅門等解脫出離未除顛倒多住心故亦未如實能自稱言我證無上正等菩提我於如是四聖諦中若已三轉十二行相謂已發生眼智明覺便能於此天人世間魔梵沙門婆羅門等解脫出離已除顛倒多住心故亦已如實能自稱言我證無上正等菩提說此法時具壽憍陳那及八萬天子遠塵離垢於諸法中生淨法眼尔時佛告憍陳那言於所說法汝已解耶憍陳那言我今已解第二第三亦復如是以憍陳那先解法故世共号彼

第六

五

爲阿若多地神藥叉聞是語已歡喜踊躍高聲唱言佛今於此婆羅痩斯仙人論處施鹿林中憐愍世間諸衆生故欲令獲得利樂事故三轉法輪其輪具足十二相行世間沙門及婆羅門天魔梵等皆無有解如法轉者由佛轉此無上法輪憍陳那等已見聖諦從今

天衆漸當增益阿素洛衆漸當損減因斯展轉諸天及人皆獲殊勝利益安樂空行藥叉聞是聲已歡喜傳告四大王天彼復舉聲展轉相告經須臾頃聲至梵天時大梵王聞已歡喜慶佛爲轉無上法輪利樂無邊諸有情故此中宣說轉法輪事是故名曰轉法輪經

時五苾芻八萬天子聞經歡喜信受奉行云何苦聖諦謂生苦老苦病苦死苦怨憎會苦愛別離苦求不得苦略說一切五取蘊苦云何生苦生謂彼諸有情類即於彼彼有情聚中諸生等生趣入出現蘊得界得處得諸蘊生命根起揔名爲生何因緣故說生爲苦有

情生時領納攝受種種身苦事故領納攝受種種心苦事故領納攝受種種身心苦事故領納攝受種種身熱惱事故領納攝受種種心熱惱事故領納攝受種種身心熱惱事故領納攝受種種身燒然事故領納攝受種種心燒然事故領納攝受種種身心燒然事故

說生爲苦復次生時受二種苦一者苦苦二者行苦故名生苦云何者苦老謂老時髮落髮白皮緩面破身曲背僵喘息逾急扶杖而行支體班黑襄退闇鈍根熟變壞諸行故敗朽壞羸損摠名爲老何因緣故說老爲苦有情老時領納攝受種種身苦事故廣說乃至領納攝受種種身心燒然事故領納攝受種種身心燒然事故說老爲苦復次老時受三種苦一者苦苦二者行苦三者壞苦故名老苦云何病苦病謂頭痛眼痛耳痛鼻痛舌痛面痛脣痛齒痛齶痛喉痛心痛風病歎病氣病噫病癲病痔病痢病麻病寒病熱病瘡病癰病歐逆瘡腫癰疥瘡瘍下漏泄痃癖枯消及餘種種依身心起身心疹疾摠名爲病何因緣故說病爲苦有情病時領納攝受種種身苦事故廣說乃至領納攝受種種身心燒然事故說病爲苦復次病時受二種苦一者苦苦二者行苦故名病苦云何死苦死謂彼諸有情類即從彼彼諸有

第六

六

情聚移轉壞沒退失別離壽暖識滅命根不轉諸蘊破壞夭墮殞逝摠名爲死何因緣故說死爲苦有情死時領納攝受種種身苦事故廣說乃至領納攝受種種身心燒然事故說死爲苦復次死時受三種苦一者苦苦二者行苦三者壞苦故名死苦云何怨憎會苦怨憎會謂諸有情等不可愛不可樂不可喜不可意而與彼俱一處爲伴不別不異不離不散聚集和合摠名怨憎會何因緣故說怨憎會爲苦謂諸有情怨憎會時領納攝受種種身苦事故廣說乃至領納攝受種種身心燒然事故說彼爲苦復次怨憎會時受二種苦一者苦苦二者行苦故名怨憎會苦云何愛別離苦愛別離謂諸有情等可愛可樂可喜可意不與彼俱不同一處不爲伴侶別異離散不聚集不和合摠名愛別離何因緣故說愛別離爲苦謂諸有情愛別離時領納攝受種種身苦事故廣說乃至領納攝受種種

第六

七

身心燒然事故說彼爲苦復次愛別離時受三種苦一者苦苦二者行苦三者壞苦故名愛別離苦云何求不得苦求不得謂希求可意色聲香味觸衣服飲食卧具醫藥諸資身具不得不獲不獲不會不遇不成就不和合摠名求不得何因緣故說求不得爲苦謂諸有情求不得時領納攝受種種身苦事故廣說乃至領納攝受種種身心燒然事故說彼爲苦復次求不得時受二種苦一者苦苦二者行苦故名求不得苦云何略說一切五取蘊苦五取蘊謂色取蘊受想行識取蘊摠名五取蘊何因緣故略說一切五取蘊爲苦謂五取蘊無常轉動勞倦羸篤是失壞法迅速不停喪朽非恒不可保信是變壞法有增有減暫住速滅本無而有有已還無由此因緣略說一切五取蘊爲苦如說取蘊皆蘊皆性是苦不安隱故違聖心故如是諸苦名苦諦者謂此名無常真實是無常此名爲苦真實是苦

若佛出世若不出世如是苦法法住法界一切如來自然通達等覺宣說施設建立分別開示令其顯了謂此是無常此是苦此是無常性此是苦性是真是實是諦是如非妄非虛非倒非異故名苦諦名聖諦者聖謂諸佛及佛弟子此是彼諦謂彼於此知見解了正覺爲諦由是因緣名苦聖諦

復次苦聖諦者是假使建立名相言說謂苦聖諦過號伽沙佛及弟子皆共施設如是名故云何苦集聖諦謂所有諸愛後有愛喜俱行愛彼彼喜愛如是略說苦集聖諦若廣說者則二愛三愛復有三愛四愛五愛六愛及

一切不善法一切有漏善法一切結縛隨眠隨煩惱纏等皆名苦集聖諦何因緣故所有諸愛後有愛喜俱行愛彼彼喜愛皆名苦集聖諦謂此四愛皆是過去未來現在苦因根本道路緣起廣說乃至此身壞後由此爲因苦果生起故說此名苦集聖諦何因緣故二

愛三愛復有三愛四愛五愛六愛及一切不善法一切有漏善法一切結縛隨眠隨煩惱纏等皆名苦集聖諦謂此諸法皆是過去未來現在苦因根本道路緣起廣說乃至此身壞後由此爲因苦果生起如說愛等皆是苦因能爲根本引衆苦故如是愛等名集諦者

謂此名愛等真實是愛等此名爲集真實是集若佛出世若不出世如是集法法住法界一切如來自然通達等覺宣說施設建立分別開示令其顯了謂此是愛等此是集此是愛等性此是集性是真是實是諦是如非妄非虛非倒非異故名集諦名聖諦者聖謂諸佛及佛弟子此是彼諦謂彼於此知見解了正覺爲諦由是因緣名苦集聖諦復次苦集聖諦者是假建立名相言說謂苦集聖諦過殞伽沙佛及弟子皆共施設如是名故云何苦滅聖諦謂即諸愛後有愛喜俱行愛彼彼喜愛無餘永斷棄捨變吐盡離染滅寂

靜隱沒如是略說苦滅聖諦若廣說者則二愛三愛復有三愛四愛五愛六愛及一切不善法一切有漏善法一切結縛隨眠隨煩惱纏等無餘永斷棄捨變吐盡離染滅寂靜隱沒皆名苦滅聖諦何因緣故即諸愛後有愛喜俱行愛彼彼喜愛無餘永斷棄捨變吐盡

弟六

九

離染滅寂靜隱沒皆名苦滅聖諦謂此四愛若未斷未徧知未滅未吐後有苦果相續生起若已斷已徧知已滅已吐後有苦果不復生起故此永斷等名苦滅聖諦何因緣故即二愛三愛復有三愛四愛五愛六愛及一切不善法一切有漏善法一切結縛隨眠隨煩惱纏等無餘永斷棄捨變吐盡離染滅寂靜隱沒皆名苦滅聖諦謂此諸法若未斷未徧知未滅未吐後有苦果相續生起若已斷已徧知已滅已吐後有苦果不復生起故此永斷等名苦滅聖諦即此苦滅聖諦亦名室宅亦名洲渚亦名救護亦名歸依亦名應趣亦

名無憂亦名無病亦名不死亦名無熾然亦名無熱惱亦名安隱亦名清涼亦名寂靜亦名善事亦名吉祥亦名安樂亦名不動亦名涅槃如說涅槃是真苦滅是諸沙門究竟果故如是斷等名滅諦者謂此名涅槃真實是涅槃此名爲滅真實是滅若佛出世若不出

世如是滅法法住法界一切如來自然通達等覺宣說施設建立分別開示令其顯了謂此是涅槃此是誠此是涅槃性此是滅性是真是實是諦是如非妄非虛非倒非異故名滅諦名聖諦者聖謂諸佛及佛弟子此是彼諦謂彼於此知見解了正覺爲諦由是因緣

名苦滅聖諦復次苦滅聖諦者是假建立名相言說謂苦滅聖諦過殃伽沙佛及弟子皆共施設如是名故

云何趣苦滅道聖諦謂若道若聖行於過去未來現在苦能永斷能棄捨能變吐能盡能離染能滅能寂靜能隱沒此復是何謂八支

聖道則是正見正思惟正語正業正命正勤正念正定云何正見謂聖弟子於苦思惟苦於集思惟集於滅思惟滅於道思惟道無漏作意相應所有於法揀擇極揀擇最極揀擇解了等了近了機點通達審察聰叡覺明慧行毗鉢舍那是名正見云何正思惟謂聖弟第六

+  
子

於苦思惟苦乃至於道思惟道無漏作意相應所有思惟等思惟尋求等尋求近尋求推覓等推覓近推覓令心於法麁動而轉是名正思惟云何正語謂聖弟子於苦思惟苦乃至於道思惟道無漏作意相應思擇力故除趣邪命語四惡行於餘語惡行所

得無漏遠離勝逮離近遠離極遠離寂靜律儀無作無造棄捨防護船筏橋梁堤塘牆塹於所制約不踰不踰性不越不越性無表語業是名正語云何正業謂聖弟子於苦思惟苦乃至於道思惟道無漏作意相應思擇力故除趣邪命身三惡行於餘身惡行所得無

漏遠離乃至無表身業是名正業云何正命謂聖弟子於苦思惟苦乃至於道思惟道無漏作意相應思擇力故於趣邪命身語惡行所得無漏遠離乃至身語無表業是名正命云何正勤謂聖弟子於苦思惟苦乃至於道思惟道無漏作意相應所有勤精進勇健勢猛熾盛難制勵意不息是名正勤云何正念謂聖弟子於苦思惟苦乃至於道思惟道無漏作意相應所有念隨念專念憶念不忘不失不遺不漏不失法性心明記性是名正念云何正定謂聖弟子於苦思惟苦乃至於道思惟道無漏作意相應所有心住等住近住

十六

十一

安住不散不亂攝止等持心一境性是名正定如是所說八支聖道及餘無漏行名趣苦滅道如說聖行是真實道究竟離苦趣涅槃故如是聖行名道諦者謂此名聖行真實是聖行此名爲道真實是道若佛出世若不出世如是道法法住法界一切如來自然通達

等覺宣說施設建立分別開示令其顯了謂此是聖行此是道此是聖行性此是道性是真是實是諦是如非妄非虛非倒非異故名道諦名聖諦者聖謂諸佛及佛弟子此是彼諦謂彼於此知見解了正覺爲諦由是因緣名趣苦滅道聖諦復次趣苦滅道聖諦者是假建立名相言說謂趣苦滅道聖諦過疏佈沙佛及弟子皆共施設如是名故

## 靜慮品第十一

一時薄伽梵在室羅筏住逝多林給孤獨園余時世尊告苾芻衆有四天道令諸有情未淨者淨淨者鮮白何等爲四謂有一類離欲

惡不善法有尋有伺離生喜樂初靜慮具足住是名第一天道復有一類尋伺寂靜內有淨心一趣性無尋無伺定生喜樂第二靜慮具足住是名第二天道復有一類離喜住捨正念正知身受樂聖說應捨第三靜慮具足住是名第三天道復有一類斷樂斷苦先喜

憂沒不苦不樂捨念清淨第四靜慮具足住  
是名第四天道如是四種皆令有情未淨者  
淨淨者鮮白

離欲惡不善法者云何欲謂貪亦名欲欲界  
亦名欲五妙欲境亦名欲今此義中意說五  
妙欲境名欲所以者何以五妙欲極可愛故  
者是緣彼貪如世尊說

極可醉故極可欲故極可樂故極可貪故極  
可求故極可悶故極可縛故極可希故極可  
繫故此中名欲然五妙欲非真欲體真欲體  
者是緣彼貪如世尊說

世諸妙境非真欲 真欲謂人分別貪

妙境如本住世間 智者於中已除欲

弟六

十二

此頌意言可愛妙色聲香味觸非真欲體真  
欲體者謂緣彼生分別貪著欲境如本智者  
於中名離欲故尊者舍利子有時爲人說如  
是頌尔時有一邪命外道不遠而住以頌難  
詰舍利子言

若妙境非真欲 真欲謂人分別貪

苾芻應名受欲人 起惡分別尋思故  
時舍利子報外道言起惡尋思實名受欲非  
諸苾芻於妙境皆起不善分別尋思故汝  
不應作斯難詰以頌反詰彼外道言

若妙境是真欲 說欲非人分別貪  
汝師應名受欲人 恒觀可意妙色故  
不應作斯難詰以頌反詰彼外道言

時彼外道默不能答彼師實觀可愛愛色由  
此知欲是貪非境尔時有一級水女人聞上  
伽陀便說頌曰

欲我知汝本 汝從分別生 我更不分別

汝復從誰起

時復有一過吒羅種聞上伽陀亦說頌曰

牟尼安隱眠 遇惡無愁惱 心樂靜慮者  
不遊戲諸欲

此頌意言可愛妙境欲非真欲於彼所起分  
別貪愛乃是真欲是故此中應作四句一有  
一類補特伽羅於諸欲境身離非心謂如有

一剃除鬚髮披服袈裟正信出家身參法侶

弟六

十三

心猶顧戀所愛諸欲數復發起猛利貪愛彼身出家心猶未出是名於欲身離非心二有一類補特伽羅於諸欲境心離非身謂如有一雖妻子受用上妙田宅卧具香鬘瓔珞衣服飲食受畜種種金銀珍寶驅役奴婢僮僕作使或時發起打罵等業而於諸欲不生耽染不數發起猛利貪愛彼身在家其心已出是名於欲心離非身三有一類補特伽羅於諸欲境身心俱離謂如有一剃除鬚髮披服袈裟正信出家身參法侶於諸欲境心無顧戀不數發起緣彼貪愛失念暫起深生悔愧彼身出家其心亦出是名於欲身心俱離四有一類補特伽羅於諸欲境身心俱不離謂如有一畜妻養子受用上妙田宅卧具香鬘瓔珞衣服飲食受畜種種金銀珍寶驅役奴婢僮僕作使發起種種打罵等業復於諸欲深生耽染數數發起猛利貪愛彼身心二種俱不出家是名於欲身心俱不離云何離欲

謂於諸欲遠離極遠離空不可得故名離欲云何惡不善法謂五蓋即貪欲蓋瞋恚蓋惛沉眠瞞蓋掉舉惡作蓋疑蓋云何貪欲蓋謂於諸欲諸貪等貪執藏防護堅著愛樂迷悶耽嗜偏耽嗜內縛希求耽湎苦集貪類貪生惄名貪欲如是貪欲覆心蔽心障心纏心隱心映心裏心蓋心故名爲蓋蓋即貪欲故名貪欲蓋云何瞋恚蓋謂於有情欲爲損害內懷栽杌欲爲擾惱已瞋恚當瞋恚現瞋恚樂爲過患極爲過患意極憤恚於諸有情各相違戾欲爲過患已爲過患當爲過患現爲過患惄名瞋恚如是瞋恚覆心蔽心乃至裏心蓋心故名爲蓋蓋即瞋恚故名瞋恚蓋云何惛沉睡眠蓋謂身重性心重性身無堪任性心無堪任性身惛沉性心惛性疊瞢憒悶惄名惛沉染污心品所有眠夢不能任持心昧略性惄名睡眠如是所說惛沉睡眠覆心蔽心乃至裏心蓋心故名爲蓋蓋即惛沉睡眠

故名惛沉睡眠蓋云何掉舉惡作蓋謂心不寂靜掉舉等掉舉心掉舉性揔名掉舉染汙心品所有心變心懊心悔我惡作惡作性揔名惡作如是所說掉舉惡作覆心蔽心乃至裏心蓋心揔名爲蓋蓋即掉舉惡作故名掉舉惡作蓋云何疑蓋謂於佛法僧及苦集滅

道生起疑惑二分二路猶豫疑箭不決定不究竟不審決非已一趣非當一趣非現一趣揔說爲疑如是疑性覆心蔽心乃至裏心蓋心故名爲蓋蓋即是疑故名疑蓋云何離不善法謂於如是惡不善法遠離極遠離空不可得故名離惡不善法

### 說一切有部法蘊足論卷第六

#### 第六

痴斯上足反緩玄伴破側瘦背𠫱下紓喘息上  
軟反鶲吾各喉音嗽蘇奏噫己戒癩賴音痔直里  
痳休音瘡下音頭歐逆上烏口瘡癰上徒回反  
癰下上音漏泄瘡下音瘡上音賢下一領灰

尊者大目乾連達 三藏法師玄奘奉 詔譯  
靜慮品第十一之餘

阿毗達磨法蘊足論卷第七 第七  
尊者大目乾連達 三藏法師玄奘奉 詔譯  
靜慮品第十一之餘

有尋有伺者云何尋謂離欲惡不善法者心尋求偏尋求近尋求心顯了極顯了現前顯了推度構畫思惟分別揔名爲尋云何伺謂離欲惡不善法者心伺察偏伺察近伺察隨行隨轉隨流隨屬揔名爲伺尋與伺何差別令心麁性是尋令心細性是伺此復如何如打鍾時鹿聲暫發細聲隨轉鹿聲喻尋細聲喻伺搖鈴扣鉢吹螺擊鼓放箭霄雷鹿細二聲爲喻亦余又如衆鳥飛翔虛空鼓翼踊身

方得隨意鼓翼喻尋踊身喻伺是謂尋伺二相差别云何有尋有伺謂離欲惡不善法者心相應品具有尋伺離生喜樂者云何離謂離欲亦名離離惡不善法亦名離出家亦名離色界善根亦名離初靜慮亦名離今此義中意說初靜慮名離云何喜謂離欲惡不善